

## **Z A K L J U Č C I**

### **Sa VII. Regionalne konferencije sindikata metalaca JIE**

Predstavници SM BiH, SPMK, SIER, USS Sloga, SMH-IS, SKEI, GSM Nezavisnost, SSMS, SMCG, SMA, SMIR sastali su se na VII Regionalnoj konferenciji u Sarajevu, 31.05.2011 godine i raspravljali o slijedećim temama:

- Slobodan protok ljudi i stvaranje jedinstvenog tržišta rada u regiji (radnici-migranti, zapošljavanje preko agencija u trećim zemljama i ostvarivanje radnih prava);
- Položaj mladih i izgledi za njihovo zapošljavanje.

U raspravama sudionika je bilo istaknuto slijedeće:

1. Tržište rada u regiji je opterećeno brojnim strukturalnim i političkim problemima, fragmentizirano i ne osigurava mobilnost radne snage, koja znatno zaostaje za suradnjom robne razmjene između zemljama u regiji. Procesi globalizacije proširuju moć društva kapitala nad društvom rada, a

zemljama u regiji preostaju usuglašeni naponi za podizanje mobilnosti radne snage, jer one tek kao regija mogu imati bolju ponudu. Otuda je neophodno omogućiti i promovirati radnu mobilnost i bolje usuglasiti ponuđenu radnu snagu sa potrebama, osigurati odgovarajuću financijsku podršku iz strukturalnih fondova EU, te pratiti politiku migracije radnika i reagirati na fleksibilan način prema prioritetima i potrebama tržišta rada. S toga, sindikatima kao imperativ slijedi fleksibilno regionalno povezivanje, koje obuhvaća međusobno informiranje i razmjenu dokumenata, te stvaranje baze podataka, kao i vršenje pritiska na društveno odgovorno poslovanje poslodavaca.

2. Nezaposlenost mladih prednjači u strukturi ukupne nezaposlenosti u regiji, ne stvara se dovoljno novih radnih mjesta, dok se postojeća gube. Poslovni sektor se ne stimulira dovoljno za zapošljavanje mladih, dok zavodi za zapošljavanje svoje aktivnosti usmjeravaju na evidentiranje

i provođenje skromnih pasivnih mjera. U isto vrijeme opada interes za proizvodna zanimanja i obrazovanje, postoji strukturalna neusuglašenost tržišta rada sa potrebama poslovnog sektora, kao i neusuglašenost obrazovnih sistema za potražnjom tržišta rada.

Zbog svega navedenog, sudionici VII. Regionalne konferencije su zaključili da:

- Radnici-migranti moraju uživati ista prava kao i domicilni radnici;
- Sindikati će razmjenjivati informacije o aktivnostima i imidžu agencija za privremeno i povremeno zapošljavanje i zahtijevati kontinuirani inspekcijski nadzor kod zapošljavanja radnika-migranta;
- Sindikati će vršiti pritisak kod svojih vlada za redefiniranje CEFTA sporazuma u dijelu slobodnog kretanja roba i ljudi, a u cilju stvaranja jedinstvenog tržišta rada, kao i za harmonizaciju propisa koji se odnose na zapošljavanje radnika-migranta;

- Sindikati moraju promovirati međusobno obavješćavanje kako bi se omogućila razmjena informacija i upućivati radnike-migrante - članove sindikata da se javljaju domicilnom sindikatu u zemlji gdje rade radi zaštite njihovih prava (Rimska Deklaracija iz 1998);
- Sindikati će inicirati organiziranje tripartitne regionalne konferencije o temi stvaranja slobodnog kretanja radne snage i stvaranja jedinstvenog tržišta rada;
- Sindikati će inicirati kreiranje integralnog paketa mjera za zapošljavanje mladih, kako bi se sinkronizirali naponi institucija civilnog društva, lokalnih zajednica, zavoda za zapošljavanje, poslovnog sektora i obrazovnih institucija.

Sindikati-sudionici VII. Regionalne konferencije u Sarajevu će prigodnim aktivnostima obilježiti 21.juni, dan sindikalne akcije EKS.

Sarajevo 31.05.2011

VII. Regionalna konferencija sindikata metalaca JIE